



МЕСЯЦА ОКТЯБРЯ В 3-й ДЕНЬ

Святаго священномученика Дионісія Ареопагита

На Господи, возвах: стихиры на 6, глас 1.

Подобен: Небесных чинѡв:

Во внутреннейший мрак неприступнаго Света/ ты разумно вшед,/ навѣкл еси Божественная недоумѣнная Сло́ва,/ ученичѣ Христов, священне Дионі́сие,/ и Ангельския чѣны на земли/ явственнѡ изъяснѣл еси.

Триси́янною зарею просветѣв твою душу/ и огнѣм вещественным, изнуряющим тело,/ к невестественней прѣставился еси, отче, Светлости,/ со Ангелы совоку́пился еси:/ с нимже моли́ся непрестанно за нас/ спасти дѹши наша.

Па́стырски преизяществовав в Церкви Божией,/ сердце твое, отче,/ прятельно благодати Духа соделал еси./ Темже и нам источаеши, яко вѡды,/ от честнѣя твоя ра́ки всегда,/ Дионі́сие, исцелѣния.

Ины стихиры, глас тойже.

Подобен: Всехвальнии:

Удицею благодати, мудре,/ Па́вел Божественный, народовещав, уловѣ священноявлѣнна/ и неизречѣнных зрителя соде́ла,/ тя, сосуд избранный, видеv./ С нимже моли, благоглаго́ливе Дионисие/ спасти любовью поющия тя.

Ангелом равночѣстен ум, отче Дионі́сие,/ добродетели ра́ди соделав,/ премирное священ-

ноначальства благочиние, всеумдре, / сих священноповествовал еси, / имиже учинил еси Церковная составления, / Небесным чином подобяся.

Любомудрейше Богу, блаженне Дионисие, / яко мощно подобяся, / именованій твое таинственно Божественных / благочестно распростерл еси / Божественное, Богомудре, сказание, / единением лучшим навик, яже паче мысли, / и научил еси мира концы.

Слава, глас 2. Андрея Иерусалимскаго:

Приидите, вернии, / согласно летнюю память иерархов похвалим, / Дионисия же и Киприана: / ов бо оплевав стоиков философ / и сосудом избанным научився, / неизреченных таин знатель бысть; / ов же, добрыя ради девы Иустины, / помысл просветив, демонския прелести избеже / и волшебныя книги огнем изжег, / Евангельский проповедник бысть. / Тем и мы, грешнии, / прославльшему сия Спасу славословяще, возопийм: / Иже Твоя страстотерпцы славою венчавый, Христе Боже, / тех молитвами спаси души наша.

И ныне, Богородичен или Крестобогородичен.

Подобен: Егда от Древа:

Егда Нескверная Агница виде Своего Агнца, / на заклание, яко человека, волею влекома, / плачущи, глаголаше: / безчадствовати Мя ныне тщишися, Христе, Рождшую Тя, / что сие сотворил еси, Избавителю всяческих; / обаче воспеваю и славлю Твою, юже паче ума и слова, / крайнюю благодать, Человеколюбче.

На стиховне Октоиха. Слава, глас 4:

Небеснаго знания невидимую глубину тебе наречем, / светлейший мучениче Христов, / яко бо оруженника / и тверда поборника Церкви воспеваем тя, мудре: / огнем бо чистейшим просиял еси, / сподобився вкупе с Вышними воинствословии / светлую одежду облещися Христа / и озарив ум светлостию Духа Святаго, Дионисие. / Тем твою всемирную память торжествуим верно, / славяще прославльшаго тя Господа.

И ныне, Богородичен или Крестобогородичен:

Подобен: Яко дбля:

Агнца и Пастыря, Тя на Древе яко виде, /
Агница рождшая рыдаше и матерски Ти
 вещаше: / Сыне Возжеленне, како на Древе Крест-
 нем повешен еси, Долготерпеливе? / како рuce
 и нoзе Твои, Слове, пригвоздишася от без-
 законных, / и Кровь Твою излиял еси, Владыко?

Тропарь, глас 4:

Благости научився и трезвяся во всех, /
 благою совестию священнолeпно обoлкся, / по-
 черпл еси от сосуда избраннаго неизреченная /
 и, веру соблюд, равное течение совершил еси, /
 священномучениче Дионисие, / моли Христа Бога
 спастися душам нашим.

Слава, и ныне, Богородичен или Крестобогородичен.

НА УТРЕНИ

На Бог Господь: тропарь святого, дважды. Слава, и ныне,
 Богородичен или Крестобогородичен. Оба канона Октоиха со
 ирмосом на 8 без мученичнов и святого на 6, егоже краеграние-
 сие: Ум хвалю мудрых учений. Феофан. Глас 8.

Песнь 1

Ирмос: Вoду прошeд, яко сушу, / и египетскаго зла
 избежав, / израильтянин вопияше: / Избавителю и Богу
 нашему поим.

Павлом Божественным научен, Небесных, Ди-
 онисие, видцем, / Небесный тайнник абие и Бого-
 вещатель был еси.

Иже благодатию Божиею озарився, / просвети,
 блаженне, поющих тя души / твоя разумети Бого-
 духовенная учения, Дионисие.

Умом преочищенным и душею / Небесных
 удобрений сияния уведети сподобился еси / и тех
 ликостояния, Дионисие.

Богородичен:

Чертoг светонoсный паче ума воплощения
 явилася еси всех Содетеля: / из Тебе бо плоть,
 Богомати, нашу одеял есть.

Песнь 3

Ирмос: Небеснаго круга Верхотворче, Господи, / и
 Церкви Зиждителю, / Ты мене утверди в любви Твоей, /

желаний краю, / верных утверждение, / Едине Человеколюбче.

Небесных кругов превозшед, отче, премирных чины, и воинства, и светлости, / высокоговещаньми словес и всемудрыми учении всем изъяснил еси.

Высокаго видения насыщся, преподобне, / имен Божественных Божественное разумение Богословил еси, / Троичный Богослов быв благодатию, Богоблаженне Дионисие.

Умертвився нынешним желанием, еже к Богу, / и любомудрию крепко научився, / сущим паче ума животворным дарованием Богоносный орган, отче, был еси.

Богородичен:

Деянием, Дево, Вседетельнаго Духа, / тело Владыце всех плодоносила еси, / в Немже осудися мира грех и Жизнь источися вечнующая.

Седален, глас 8.

Подобен: Премудрости:

В пучине премудрости уча, Духа глубины, / Троицы Едино Божество проповедал еси, преподобне, / списав вся Ангельския чины и тайная тех сияния, Богомудре. / Тем и нижнюю иерархию счиняя, / ко единому вся возвел еси единству, иерарше Дионисие. / Моли Христа Бога прегрешений оставление даровати / чествующим любовь святую память твою.

Слава, и ныне, Богородичен:

Солнца облаче разумнаго, / Божественнаго Света светильниче златокованный, / Нескверная, Неблзная, Всенепорочная Владычице, / омраченную душу мою ослеплением страстей / безстрастия зарею просвети, молюся. / И оскверненное мое сердце омий потбки умиления, покаяния же слезами, / и от тимения мя очисти дел моих, да любовь зову Ти: / Богородице Приснодево, моли Христа Бога, прегрешений оставление подати ми, / Тебе бо имею надежду, раб Твой.

Крестобогородичен:

Агница, и Пастыря, и Избавителя Агница зрящи на Кресте, восклицаше, плачущи, / и, горько рыдающе, вопияше: / мир убо радуется, приемляй

Тобою избавлѣние, / утроба же Моя горит, зрящи
Твое распятие, / еже терпѣши за милосердіе
милости. / Долготерпеливе Господи, милости бѣз-
дно и истѣчнице неисчерпаемый, / умилосѣрдися
и даруй согрешений оставлѣние / верою поющим
Божественная Страсти Твоя.

Песнь 4

Ирмос: Ты моя крепость, Господи, / Ты моя и сила, / Ты
мой Бог, Ты мое радованіе, / не оставль недра Отца / и
нашу нищету посетив. / Тем с пророком Аввакумом зову
Те: / силе Твоей слава, Человеколюбче.

Церковное благочиніе украсил еси: / в них бо,
отче, живописал еси зрѣчныя образы / явственно
священнописанием Безобразных сил; / иже
тайновѣдятся и просвѣщаются вся верных, Бого-
мудре, соборы.

Струи твоего Богословія, Богоприятне, цвет-
ники напаяют словесныя, / присноцветущія зело
и насажденныя на правости Богословія: / един-
ство бо Существа в Трех Лицах, честное Едино-
началіе проповѣдал еси.

Ангельскаго священноначальства сильное,
святителю, желаніе и раченіе, еже к Богу, / и
неуклонное мание к высотѣ Божественней и
непостижимей, / научил еси Богомудренно верою
вопяющія: / силе Твоей слава, Человеколюбче.

Богородичен:

Священнодѣйствитель спасенія бысть Сын
Твой всем поющим Тя, / и Наставник, и Просве-
титель, и Правда, Дево, и избавленіе. / Тем Тя,
Богородицу, истинно и господьственно вернии
единомудренно славим.

Песнь 5

Ирмос: Вскую мя отринул еси / от лица Твоего, Свете
незаходимый, / и покрыла мя есть чуждая тьма,
окаяннаго, / но обрати мя и к свету заповѣдей Твоих /
пути моя направи, молюся.

Глагол твоих вещаніе, яко некий Небесный
шум носимъ, / безбожныя разумы огромѣ словом
благодати / и велений Божественных зарями
светлѣйшими верных сердца просвети.

Уподобился еси купцу, ищущему добрыя бисе-
ры, всебогате, / и обрел еси един бисер, истинно

многоценен, / и, удивлься его Боготворну свето-
вержению, святителю, Бога исповедал еси.

Источник мудрости, любомудрейше отче, воз-
любил еси, / и, той рачением и любовью одер-
жимь, велик был еси, / и реки Божественных
велений всегда точиши, Богогласе.

Богородичен:

Яко Обрадованная, добротворящее прияла
еси благолепие, / вся едином хотением
Сотворшаго, / и Божественною доброю и прос-
вещением благоверия, Богомати, нас Удобрив-
шаго.

Песнь 6

Ирмос: Очисти мя, Спасе, / многа бо беззакония моя / и
из глубины зол возведи, молюся: / к Тебе бо возопих и
услыши мя, / Боже спасения моего.

Законно любомудрствуя, мудрости дар полу-
чил еси, / Божественне Богослова Православныя
догматы, всеблаженне, оставил еси, / ихже на-
слаждающесея, вернии, ты блажим.

Разумом Боголепным, Богомудре, удобряем, /
Божественному учителю слух твой приклонил
еси / и премирную от Него мудрость навекл еси,
Дионисие.

Житие твое чудно, слово же дивнейше, / язык
твой светозарен, уста огнедуховенна и
духодвижима, / ум же твой испытен, отче, Бого-
блаженне.

Богородичен:

Глас Ти Гавриилов радостно, Дево, взываем
вернии, / из Тебе бо неизреченно нам Живона-
чальный Творец изшел есть / и примесися чело-
веком, Человеколюбец.

Кондак, глас 8.

Подобен: Взбранной:

Небесная врата прошед духом яко ученик /
до третияго Небесе достигшаго апостола,
Дионисие, / неизреченных обогатился еси всяким
разумом / и озарил еси во тьме неведения
седящия. / Темже зовем: / радуйся, отче всемир-
ный.

Икос:

Ангел от человеков, добродетельми быв вели-

кий Дионисий, / весь, яко крилат, навѣче умом
Небесныя разумы. / Тем пѣсньми, яко Ангела,
почтим, вопиюще к нему таковая: / радуйся, увѣ-
девый Христа Павлом; / радуйся, многия ко Хри-
сту обративый; / радуйся, многобожия храмов
губителю; / радуйся, Богоразумнаго совета
смотрение; / радуйся, книго Богоначертанная
тайных сокровищ; / радуйся, скрижаль Богозрач-
ная и зеркало Небесное; / радуйся, яко Страсть
Господню видел еси; / радуйся, яко усердно Того
ради закалаешься; / радуйся, источниче, источая
разум; / радуйся, капле, угашающи безумие; / ра-
дуйся, стезѣ нелестная спасения; / радуйся, прег-
радо нечестивых прехода; / радуйся, отче все-
мирный.

Песнь 7

Ирмос: Божия снизхождѣния / огонь устыдѣся в Вавилѣ-
не иногда, / сего ради ѓтроцы в пещи радованною ногою, /
яко во цвѣтнице, ликующе, пояху: / благословен еси,
Боже отец наших.

Яко туча Небесная землю жаждущую, / твоя
учения верных сердца присно желѣющая
умащѣют / и несѣтно вопити научѣт: / отец на-
ших Боже, благословен еси.

Разумом Богомудренным безплотныя умы рас-
писал еси / и тех, преблаженне, песнословия,
Божествен быв, Церковь пети наказал еси: /
благословен Бог отец наших.

Приятелище Духа Всесвятаго явился еси
благоключимое / и, Того вдохновѣния и явления
прорѣчески провозглашѣя, мудре Дионисие, во-
пийше весело: / благословен Бог отец наших.

Богородичен:

Се ныне исполнися Исѣии Богоглагобливаго
проречение: / Дева бо во чрѣве Бога Слова имѣ / и
породила есть Жизнодавца, Емуже вси зовѣм: /
благословен Бог отец наших.

Песнь 8

Ирмос: Седмерицею пещь / халдѣйский мучитель / Бого-
честивым нейстовно разжжѣ, / силою же лучшею спасены
сия видеи, / Творцу и Избавителю вопийше: / ѓтроцы,
благословите, / священницы, воспойте, / людие, превозно-
сите во вся веки.

Свѣтел, яко зеркало, быв, Дионисие, / и вме-

стѣителен чистыхъ явленій умъ соделавъ, / добродетелию, всебогате, лучѣ паче ума сиянія приемля, вопіял еси: / священницы, благословите, людие, превозносите во вся веки.

Обильнейшая благодать излилася во устнахъ твоихъ, / темъ Божественная учения предложил еси, / и техъ разумы паче смысла намъ простирая и яснѣе и светло отверзая, верую поющимъ: / священницы, благословите, людие, превозносите во вся веки.

Знаемейша бысть тобою, Дионисие, Афинская всеславная митрополия, / Христу принѣсшая тя начатокъ всесвященный, Всецарю всегда поюща: / ѳтроцы, благословите, священницы, воспойте, людие, превозносите во вся веки.

Богородичен:

Мати Божия Всенепорочная, души моя струпы и греховныя язвы потреби: / Сына бо родила еси, власть имущаго / связаннаго пленицами греховными удобь ослабити отъ узъ нерешимыхъ, / Единого Благодетеля и Единого Жизнодавца.

Песнь 9

Ирмос: Ужасѣся о семъ Небо, / и земли удивѣшася концы, / яко Богъ явѣся человекомъ плѣтски, / и чрево Твое бысть пространнейшее небесъ: / темъ Тя, Богородицу, / Ангеловъ и человекъ чиновачалія величаютъ.

Святыхъ апостолъ сподобился еси видитель быти / и сострадалецъ, и сообщникъ был еси славы, / и с теми на видѣние потщался еси телесѣ / истинно Живоначальныя Единыя Богородицы и Честнейшия, / Юже достойно величаемъ.

Божественнаго Царствія на Небесехъ наследникъ был еси яко законенъ архиерей, отче, / яко непобѣдимъ страдалецъ священства мастию кровью срастворил еси мученическую. / Темъ сугубымъ венцемъ сподобился еси достойно, священнотайниче Дионисие.

Яко имея дерзновение ко Христу, иерарше, мудре Дионисие, / всегда моли избавитися отъ искушения благочестно поющимъ тя, / ученичѣ неизреченныхъ видѣній, яко тайноученныя и Богоначальныя священноявленникъ благодати.

Богородичен:

Победившу ереси храбрски, честную Церковь яви, / юже Христос честною Своею Кровию яко Благ стяжя, Обрадованная, Сын Твой истинно, / и спаси от бед и от обстояния, одержающего нас, Владычице.

Светилен.

Подобен: Учеником зрящим:

Добродетельми восходя, возвысився на Небеса, Богоприятне, / и познал еси Ангелов чины, и всех Вышних стояния, / и Трисолнечную зарю, навик от Павла.

Богородичен:

Иже жизни Божественней и блаженней / позавидев ми древле в рай, / враг прелукавый и злокозненный, и от Едема изгнав мя, / умерщвляется Рождеством Твоим, Богородице.

На стиховне Октоиха. Слава, святого, глас 8.

Германово:

Во святителех и мученицех, / преизяществовав, преподобне, / верен явился еси пастырь, / и, Христову испив чашу, / тем во обоих благоугодив Тому, / молися о всех нас, / с Горними служителями во Свете ныне водворяемый.

И ныне, Богородичен или Крестобогородичен.

Подобен: Мученицы:

Юница Нескверная, / Юнца видящи на Древе пригвождаема волею, / рыдаючи жалостне: / увы Мне, вопияше, Любимейшее Чадо, / Что Ти сонм воздаде безблагодатный еврейский, / хотя Мя обезчадствовати от Тебе, Вселюбэзне.

На Литургии: Блаженны Октоиха на 4 и святого песнь 3-я на 4. Прокимен, глас 8: Восхвалятся преподобнии во славе и возрадуются на ложах своих. Стих: Воспойте Господеву песнь нову. Апостол Деяний, зачало 40, от полу. Аллилуия, глас 2. Стих: Священницы Твои облечутся правдою: Евангелие от Матфея, зачало 55 от полу. Причастен: В память вечную будет праведник:



В
ТОЙЖЕ
ДЕНЬ

**Преподобнаго Дионісія Затвѣрника,
в Дальних пещерах почивающаго**

Тропарь, глас 4:

**Жертву Безкровную приносивый Господеву
непорочно / и служивый Ему по званию своему
многое время неленостне, / священне Дионісие, /
молися о нас, / любовью чтущих тя.**

Кондак, глас 2:

**Священнодействовавшего на земли священ-
нолѣпно / и потрудившагося в чину своем дѣ-
ре, / ныне же на Небесех ликуеши свѣтло, / священ-
ными похваляем тя пѣсньми, Дионісие, и молим: /
моли Христа Бога непрестанно о всех
нас.**

